

尚

綱

堂

集

尙絅堂詩集卷三十九

陽湖 劉嗣綰 醇甫

竹西後集 乙丑

乙丑夏歸自都門重寓題襟館日月不居友朋將散  
雪鴻之跡良在于茲

秋齋詠草蟲

蝦蟇

蟾蜍不吐書科斗不識字爬沙却上天笑爾太多事

蟋蟀

秋風戰東壁秋雨鳴西堂草間方切切韜畧問平章

蚱蜢

荒荒濯莽集超超雄心多捷足固可喜莫隨蝗渡河

螳螂

騰身方處高奮臂遽當路黃雀空中來旁人幾驚顧

蜻蜓

釵影亭亭玉衣紋薄薄羅鈞絲休便立所託是風波

絡緯

穿花梭誤擲隔竹杵齊鳴絲價今年貴秋窗惜此聲

蟪蛄

弄丸有高低逐臭無近遠笑問吸露蟬此身曾幾轉

蝸牛

亦知粘壁死方苦循牆行結廬何處好蠻觸自相爭

監司乃重任慎勿徇成格豁達無飾情上下庶不隔未能  
回豐亨或者化抑塞君今且就道貧薄贖行色肯迂身家  
圖忍弛饑溺責賤子江湖人淪落豈所惜思營汜勝書敢  
忘賈生策行歌與慟哭曠野且安適他時出岫雲望望無  
終極

髮短

髮短竟如此閒愁種種長可憐秋後葉真怕曉來霜散髻  
兒時慣新梳老去忙佛身吾未信雲化妙髮光

早眠

早眠無箇事所得是安心燈暗延秋入香銷及夜沈生衾  
無熟夢短枕有長吟欲問榮枯理誰絃壁上琴

董小宛靈壁石笛歌

鵲笙吹裂嬌皇天龍骨蛻落橫秋烟古苔三尺綠成字小  
 名合儷茗華妍雙聲喚得雙成下石氏珍珠那論價渡江  
 不用賦催妝燕子新編定情話用木是時半壁哀南朝念  
 家山破風烟飄絲繁竹亂聽不得笛聲尚咽清溪潮美人  
 香骨易黃土湘中閣上春無主一丸冷月照歌臺應是石  
 腸曾斷處水繪如今賸縠紋琉璃簾那得再生聞更無女伴  
 來圓玉唱殺楊枝與紫雲圓玉亦薛疆姬人楊枝紫雲則薛疆二歌童也

寒竹

風色吹黃雪江聲動白沙高低三逕竹冷淡幾人家茆屋  
 蕭蕭遠苔綦落落斜石容方戍削樹格並楂枒掃葉遲仙

帶敲金當畫叉歸鴻來砌畔凍雀啄檐牙牆缺延青黛窗  
陰讓碧紗爪痕尋墜粉淚點亞疎花風骨娟逾瘦冬心黯  
不華倦聽閒翡翠虛掩小籬笆酒幔孤竿裊霜簾一桁遮  
任從烟曲折愁見月交加佩響珊珊玉衣飄冉冉霞秦簫  
淒別院楚袖怨天涯空谷人何在迴廊路總差立殘終夜  
鶴搖散暮天鴉盡日瑤階佇前期玉版賒寒溪知我意流  
恨到枯槎

贈頻迦卽題其靈芬館圖卷

別君蓮花之寺樓余晤頻伽于武林玉蓮庵之廟樓閱四年矣我尋君影疑君  
鷗逢君梅花之江閣我聽君吟謂君鶴吳頭越角隔幾年  
兩地不傳詩一篇長風蕭蕭吹夢短忽臥君圖枕君卷君

言圖中已買山君言有山不得還年年招隱出山去此事  
問天天太慳江湖無情客潦倒有地埋愁死亦好清風莫  
待縣上田奇骨須歸海中島郭生郭生慎勿狂四十更無  
三十強離騷一卷忍饑讀今日酒人無此腸對君之圖進  
君酒君與此圖誰不朽回頭笑問舊山靄夜夜空江落星  
斗君家魏塘西我家梁溪東兩家等是寓公耳來往只少  
漁樵風天涯驢背尋歸侶明日寒城颯如雨披圖行結山  
中鄰江月當頭問此語

寒燭

銅荷休說漢宮繁隔院笙歌影亦寒窗淺易隨灰字滅夜  
深空照酒痕乾寸心黯黯銷將盡雙淚明明別更難今日

看花真夢裏霜風徧地獨憑闌

夜坐戲簡手山兼示蓮裳甘亭祁生諸子

翠竹黃梅冷幾枝紅燈碧幌一相思如雲春夢留香在似  
水寒衾病酒知最苦瑯樓無月夜那堪明鏡欲霜時舊家  
門巷移居後可有蕭娘七字詩

手山新移家吳門之蕭家巷

晚憩題襟館雜題斷句兼寄主人泰州

一壺濁酒共誰攜徹骨霜風是竹西閒煞曲闌干幾尺更  
無人處亂鴉啼

園中主客最分明兩字題襟記館名問訊平泉閑草木可  
能片石有三生

山骨朝來面面蒼湖天如墨儘淒涼黃梅莫便尋常落留



與空庭當夕陽

萬竈陽春苦未回  
河冰凍合不曾開  
雁聲一夜漂流到  
知是霜蓬聽過來  
立脚風波我亦愁  
可知身世只如漚  
此中休著登樓眼  
天際黃河迸淚流  
醉後霜楓看不真  
衝寒約得兩三人  
寒江尙有王孫路  
草色今年綠過春

廢畦

僮約闌珊忍再論  
年時抱甕記朝昏  
閒來莫訂新蔬譜  
醉後空尋老瓦盆  
前度風光都紫陌  
舊家事業幾青門  
分明鋤月耕烟地  
賸與霜鴻印爪痕

斷橋

畧約前頭問渡迴殘虹影落一徘徊荒烟倒臥全身柳長  
板斜支幾尺苔依舊天連春水盡更無人蹋曉霜來寒槎  
斷了溪坊路從此間門曰曰開

寒雁篇

寒雲黯不開寒雁獨徘徊風信沿江發霜痕掠岸來霜風  
一悽緊萬里投孤影歲歲度榆關年年向梅嶺經歲又經  
年黃河昨夢邊空尋蘆荻港不見稻梁田稻梁無處覓望  
望江南北江北幾居人江南但歸客客思正淒清湖天是  
去程哀音流別浦急響墮層城城高商去住遮斷天街路  
凍雀已還山啼鳥初上樹樹樹晚來寒枝栖那得安昏燈

尋院落冷月下闌干闌干常宛轉中有愁心遠錦字整還  
斜銀箏長更短一曲秦霜鴻相思託曉風殘砧猶隱隱斷  
角莫匆匆角聲催太切舊侶空消息已苦雪霜多誰憐羽  
毛潔毛羽落江天禁寒不忍眠願將中澤語持寄上林篇

爲楊子靖題其先人六士先生泣硯圖

孤兒抱圖兒淚如雨中有兒父泣與硯語硯不能言請述  
父詞硯實祖遺祖母授之父背祖母祖澤父手父寶此硯  
圖硯不朽泣授兒圖兒父淚枯父泣未竟兒身已孤兒父  
語兒藏硯老屋如何父書不課兒讀兒父語兒兒硯卽田  
兒田雖卜何時表阡兒有一母兒有一弟不見兒父向硯  
流涕兒今捧檄兒父墓隔不如此硯圖父在側此硯可穿

此圖則傳此圖不傳兒心石堅兒心之堅石不可煮持硯  
補天與天終古

船山爲蓮裳寫青芝山館圖卽用蓮裳自題元韻五  
首

少小思結廬老無一椽宅豈其山栖勝未許死前擇青芝  
咫尺耳石髓正寒碧不知山古今且問圖王客

西江我舊遊挂席名山旁麻姑擁綠鬢日笑五老蒼不如  
君南來圖中買草堂草堂亦何有百萬須鄰償

南城曾大夫擬卜吳山居萬生廉抱山癖亦有山人圖招

隱豈所難山人方簿書兩得願未必一失時何如

寫山不在似胸中有邱壑山人失真面相對山亦忤張顛

蘇州奉韋公靈山有遺廟我行擬占夢再拜託同調所恐

山謂船倘能來仙骨如野鶴蜀中安可居不如此間樂  
蘇州奉韋公靈山有遺廟我行擬占夢再拜託同調所恐  
風吹醒翻被畫圖笑後夜仍屋梁思君月流照韋公廟亦祈夢

沈石田楊花卷

楊花飛年年吹上春人衣楊花落不見春人舊樓閣自是  
楊花解送迎花飛花落渾無情闌干一角晚來暗瞥入卷  
中風色明冥濛不似人間有脫手天然石田叟亦知池館  
本來空眼底何曾着高柳春如蕩子日夜飄傷春之人淚  
不銷當時烟月已如此安得楊花魂可招三百年來劫灰  
短畫圖那有東風轉掩上窗紗更一重莫教春夢粘天遠

薛素素畫蘭卷

雨葉風條態不禁  
卷中水墨亦傷心  
畫蘭何似畫眉好  
露眼向人啼到今

香粉叢中寫一枝  
當年俠骨幾人知  
攜來石黛勻妝後  
寶得金丸脫手時

烟月秦淮有古愁  
却從縑素憶風流  
湘蘭舊宅橫波閣  
香草年年不忍秋

淮海神絃曲

邳溝大王廟

胥潮迎神怒橫箭  
匹馬吳門走如練  
長洲一沼江流東  
鬼燈吹入神祠輦  
好冠戔戔坐當中  
金銀不夜氣滿空  
栖烏上絃驚火紅  
吳歛越舞跳里童  
紙錢下堦作灰色  
殿角靈

旗望如墨

后土祠

瑤花開靈徘徊瑤花落靈綽約花上天英英雲土一碧花  
之魂何緣衣委塵靈靈不來鎖烟霧水爲帶風爲裳奏瑤  
笙夜未央

東陵聖母祠

亭前妖風咒桃樹香篆如虹繞廊柱鞭龍行雨壁上怵魚  
妾撇波迎太陽東陵日脚紅灑灑金支閃夜生光彩空城  
飄瓦煙高低一雙青鳥銜尾歸

蔣侯廟

鍾山槩槩陣雲紫夢壓空營鼓聲死赭旗閃尸金鐵鳴泥

馬汗落桃花生霜矛丈八繞歸路夜唱白蛇人倒行爐香  
出城結芝蓋社酒醺神神影醉竹枝啞啞走女巫宮人私  
拜青溪姑

五司徒廟

偃魂鼓瑟絃繁切鬼箭灑空石僵立蒿燈五隊風吹竿畫  
壁刀森如月寒含沙短蛾走烟浦神兵殺賊如殺虎髑髏  
滿地胡旋舞古殿陰陰竄鼯鼠

蕭梁公主祠

花竿綵繚塵衣昏椒壁墮粉幽篁痕秦鸞楚鳳隔江語曰  
落金鴉投廟門仙旛上天佛下世玉爐烟飄結蕭字盲姬  
插香紙窳地手攜綠潭洗紅淚靈旗卷空眼中出臺城歸



來花雨濕

二郎行祠

江口白鼉吟夜風蜀神鐵馬搖丁東玉鱗脫甲臥潭底門  
外浪高羶曉紅燭龍如纛銜烟照神髻蟠雲尙年少洞庭  
行雨誰氏郎一點君山驪鬟笑蠻笙巫笛來江南青蛾拜  
送燒金蠶欲明未明蹋波去怪犀走水光潭潭

露筋祠

神鴉銜紙飛湖田鼓祠吹火彈碧絃燭光冷翠逗秋雨鬼  
嫂幽修中露語靈風拉雜嬋媛來月上不上珠徘徊水精  
衣殺下蓮臺白鳥橫空生晚雷雷聲出門未終曲鶴扇裁  
帆入烟宿

仙女廟

碧雲冠兮蓮花仙之人兮朝霞謁金庭兮玉華驂聖母兮  
鸞車隔楚夢兮誰家雨窗窈兮烟斜藐姑射兮非耶紛擊  
鼓兮傳芭樂神貺兮婆娑

張仙廟

蜀屏生綃橫素烟紅雲吹墮宮中仙百子樓高香燒天脫  
環解珥當施錢青娥三五羅拜虔神來不來風馬旋金丸  
墜空月滿弦柳旁一星搖向前紛紛吉夢落神絃元熊緣  
罷響山巔

繡女祠

銖衣碧兮天水寒繡星旗兮龍畫竿秋階兮綠薜鎖瑤宮

兮夢銅輦鬱青城兮不見復錢塘兮路遠化月魄兮溯江  
潮采明珠兮從二姚吹參差兮烟綠靈歸來兮裂霜竹

英烈夫人祠

霜鋌吐花神燈紅霓節霞旌森滿空仙人摘星隔烟語綠  
髮千年笑毛女廟門燒瓦鴛鴦死酒滴泉臺上痕紫巫袖  
卷風風忽靡歌吹迢迢入湖水夫人城高角聲起鬼馬雲  
中走千里

金龍四大王廟

錢塘江翻潮入海雨泣冬青愁帝鬼鯨鐘鼙鼓來迎神金  
龍山底喧波臣大編我我運糧重黃河上天順風送船頭  
燒紙饗緒羊馮夷起舞支祁藏神兮恩澤流湯湯

烟夢圖詩三十韻

姑蘇女子雪如名葆珠幼爲袁氏養女又嚮于王  
強之使習歌舞轉徙至揚州以色藝著有俠氣某  
官多金啗之擲之地拒不納有青芝生者客於揚  
於廣坐中識之一見心許生卽解所佩玉爲聘未  
旬月以病死生攜之歸吳門葬山塘側寫其影名  
之烟夢圖爲余述其事因係以詩

錦瑟年初妙瓊簫夜未央燕支銷北里楚夢隔東牆舊宅  
塘開鏡前塵徑采香芳期憐碧玉小字愛明璫姑射原宜  
雪雲英未見霜內家誇大捨此女敵中郎跨鶴愁千里驚  
鴻影數行飛花纔落溷汎梗便離鄉槩打寒潮後門臨大

道旁銅鞮都厭曲金谷尙行觴綠髮窺仙髻青衣羨俠腸  
早曾傾女伴渾不異男裝爭手參差出簪情冷暖嘗低徊  
逢杜牧消息付王昌語燕襟誰促調鸚口自防角張應不  
誤牛女儘堪商一意連環解雙心約指藏囊通頻叩叩帶  
結倍佹佹見日眉梢重新來爪甲長藥烟偏示疾蘭語尙  
勝常到死枯湘竹殘宵葬海棠桃思偃後代杏悼嫁前殤  
好月猶圓夜輕雲已散場影銷隨彩鳳魂斷到文鴛彼美  
真亾此予情亦罷芳珮聲遲翠袖瑤想墮霓裳祗分泥相  
憶由他絮自狂有人憑霧閣無路哭雷塘松柏吹寒碧毳  
毳怨晚黃土橋南畔路短碣其貞娘

凍雀

凍雀蹋枝語啁噍聽不得莫怨紇千山山死灰色  
不知霜雪重只恨羽毛輕後夜栖何處空庭折竹聲

楊補之孤山月色卷

燕山杏花開不開眼底祇著孤山梅山中無人鶴孤守一  
角天還趙家有清彝道者楊補之放筆寫出橫斜枝南枝  
春風北枝雪當日含毫定愁絕仙人綈袂已還家羽客黃  
冠猶戀闕月色蒼茫七百年衝寒誰蹋斷橋烟披圖索共  
疎花笑紙帳朝來一放顛

雪夜作長歌別蓮裳兼示諸子

雪花過江大如席滕六飛觴送行客四更捲却三重茅破  
屋蕭蕭北風色風稜吹面不可當僮僕已觸屏風僵座中

搗戰各寒噤。芒角特出森。君腸城樓戢戢正。催鼓我有狂  
言向君吐。風流只賞梅花賦。功業應輸柘枝舞。世人肆罵  
百不休。讒我謾我爭啾啾。攔街鴉鵲聲滿耳。與君且聽嬌  
鶯喉。君能爲越吟。我亦工吳謳。君能學齊諧。我亦厭楚咻。  
吹簫市上苦無賴。挾瑟門前安所求。醉眠昨夜寶釵折。滿  
眼風花飛上樓。百年豈暇憂千載。岌岌高冠謝流輩。烟霧  
須從大海尋。風波尙有長江在。龜鼉蹋浪日夜頑。一杯酌  
汝江神還。崑崙擊碎仰天笑。我豈不如康對山。

尚絅堂詩集卷四十

陽湖 劉嗣綰 醇甫

婺州集

丙寅  
丁卯

歲丙寅丁卯下榻婺州之郡齋齋有小樓顏曰載詠  
與人詠樓東西相望意有所得吟懷灑然編兩年詩  
爲婺州集

春霽示諸弟

晴雪樓臺畫遠空故園人去又東風竹梢搖影過牆角梅  
萼破春來夢中身外功名笑朱紫眼前兒女任青紅臘醅  
十日關門醉便算今年不負公

題管午思南北讀雪山房圖



別君長安街寒爐煮雪圍高齋見君長生里快雪初晴映  
軒几寥寥南北屋數椽中有風木聲蕭然風聲斷處雪聲  
續却寫書聲入橫幅傳家不獨書一楹手植約畧如生平  
山邱迴首莽無際殘雪照見心分明梅花壓檐正清絕枝  
北枝南幾番雪山房便合當山居只恐山人易成別出山  
還山君莫遲團雪散雪行相思相思不見定何益且讀君  
畫吟君詩君詩一一鶴聲送况復階前有雛鳳我自披圖  
感白頭昏燈重作燕山夢

夜發錢塘江

西津發船夜搗鼓湖頭如山亂吞吐一鐙陡轉珠在盤兩  
槳平飛箭離弩昨來觀潮心目搖四更江空惟聽潮水聲

人聲互洶湧耳際但覺風蕭蕭來如奔雷去如電怒馬橫  
空驚匹練一命真成鵝鴨輕九天頓使魚龍變船頭不挂  
半幅蒲似有鬼物相追呼忽看江岸此時失便恐海天明  
日枯潮生潮落水精闕今古銷沉幾吳越前晉後種總茫  
茫歸夢還尋盞湖月

舟中示手山

東風無近遠綠遍過江山樹少烟初禁灘多夢不閑此中  
吟鮑謝遲爾畫荆關却笑輕裝客年年載石還

少峯太守於郡治廳事之東構書屋顏曰三餘落成  
寫圖囑余係以詩

家居多暇日仕宦無休時公餘休亦得輒復營其私君才

固絕俗所蘊良設施一勤警百情乃得吏治治郡齋況名  
區山水日日滋讀書卽讀律但讀君知之

上巳日同人約明月樓修禊

天邊明月樓頭新三月三日來餞春雙溪自搖杯底潒一  
雨如被衣間塵不知蘭上幾佳客笑問竹中誰主人吳郎  
擘畫筆亦大好著我歸路翩翩巾

松化石歌

金華山中多有此石列仙傳獨載延真觀馬自然事不盡然也

初平叱石駢不止山行忽逢赤松子仙人狡獪多化身石  
得長生松不死茯苓虎魄都松脂呼松化石松敢辭玉龍  
骨蛻瘦蛟立突兀峯頭人未知九天隱隱走風雨六甲騰  
空五丁取夜來飛入南宮齋移傍松根石無語松亦不厭

人支離石亦不嫌人倔奇寸雲便似泰山觸尺土安知艮  
岳移石兮與爾可長保證到無生頑亦好綠髓難充世上  
饑蒼髯且伴山中老

野飲

鶻落不落盤高空提壺喚客聲玲瓏竹枝掃地過殘雨松  
吹卷天生遠風墓上安知郭有道醉中且作王無功瓦盆  
敲破酒瓶倒一笑相逢來牧童

題李畊客先生桃鄉圖卷爲其族孫香子作

綠皺不知羅搖此尺幅風中有千桃花豔雨飛濛濛當年  
石谷子持贈畊客翁畊客住梅里開門芳草叢自唱耒邊  
詞甘作一世農春風二三月愛繁前溪蓬溪頭忽聞語路

與秦人通仙源有雞犬不許移新豐至今好兒孫籬落家  
家同笑指白雲外炊烟有餘紅添君畫中詩此境劉郎逢  
桃鄉倘可老著我鴛湖東

登樓得斷句

擬向神仙借洞天山城寂寂不知年樓空盡日聞飄瓦明  
月清風

名二樓值幾錢

溪東溪西雙白鷗山南山北幾烏牛春風吹客太無賴時  
有飛花來打頭

午晴天氣勝朝晴四面闌干上鳥聲怪底白雲都閣住炊  
烟一道樹梢橫

焚香掃地當僧寮收拾吟魂幾莫朝潑眼書中成綠字窗

前新放一陂蕉

雨雨風風信未遲佳辰莫便怨參差  
隔牆落得山桃盡紅  
過海榴三兩枝  
過江劇憶舊風流翠管銀箏喚客遊  
拚把長條都折盡天  
涯何物是離愁

鬪牛行

牛聲殷床雷穴地觀者盤旋走如蟻  
夕陽莊上風騷騷村  
後村前牛噫氣東家翁富稱多牛輕羅纏腰絲絡頭伺牛  
出門識牛性各各呼名牛解應老牛突奔如兕狂欲礪牛  
角摧山岡小牛掣首低復昂待執牛耳登壇場牛心怒生  
牛力死勝者賜緋兼賜紫飲牛飯牛進甘旨作使而翁若

孫子杏花紅過桃林青一鞭揚揚牛所令黃金虛牝空自  
擲白石高歌誰復聽從來成敗有倚伏不及還家抱黃犢  
叱羊漫說山人戲得馬寧論塞翁福吁嗟乎觸蠻爭鬪徒  
爾豪紛紛世事如牛毛

近聞二首

近聞海氣接烽塵鼙鼓方思將帥臣  
堠遠尉宜屯戊己營空兵似守庚申  
跼鷲墮水看何限唳鶴當風聽未真  
自是聖朝威力在鯨鯢何敢外波民

樓櫓連雲下海疆此時經國費平章  
黃金易佩將軍印白石難充甲士糧  
官舍盡看圖虎尾宦程終賴叱羊腸  
書生空有籌邊筆只辦饒歌入廟堂

夜起野望

叢莽翳深黑怪禽終夜呼風聲吹月落塏影到天無得句  
驚山鬼談禪避野狐不妨謀一醉門外卽黃壚

閒齋

白塏亭亭補畫屏看雲終日拓窗櫺無花且喜樹全綠有  
豕却愁山亂青因送故人思茂苑偶題新句憶旗亭閑齋  
近悟觀心法自寫黃庭內景經

四月聞蟋蟀作

空堂四月蟋蟀鳴古牆續續西風生草根悲吟樹根讀并  
作歐陽秋夜聲此時天氣和且清片月自來階上行樹頭  
螳螂未三伏池上蝦蟆初六更怪哉爾何心不平金鐵入



齒相銼錚昨宵海上羽書到甲騎簇簇東南征平章韜畧  
不辨此嗟爾微物安能攫沙蟲變化豈無意地氣所感天  
心驚蟋蟀蟋蟀慎勿鳴獨客聽爾難爲情爰涼且自念冰  
炭出處還須問甲兵

戴金溪比部過訪越三宿而去

人海飄然後論交忽此閒酒譚多拉雜書味足蕭閑最擅  
童年譽都非舊日顏他時一相訪遲我剡谿灣

官馬過

官馬過馬牌踉蹌馬兵臥官來傳令馬前駟馬不前使馬  
鞭馬不能言馬牌哭官減馬糧入官腹年年養馬常苦饑  
一朝用馬馬所悲嗟嗟馬敢愛死力但使官家無害馬馬

死長途亦不惜

起夫歎

吏胥起夫聚鑼鼓攔街捉人人官府人畏吏胥如畏虎吏胥捕人如捕鼠吏胥十錢不給五紛紛欲逃路途阻此時田功正勞苦田中亦有虎田中亦有鼠田中無人鼠食黍哀告吏胥胥不許朝來便是催租人鞭撲相看淚如雨

將軍來

城樓吹角轅門開堂堂將軍天上來將軍靖海至海口賊去將軍回馬首將軍來兵出城將軍回兵入營將軍功在不將兵官長負弩前駢迎黃金如土煙塵生但願騶從騰歡聲將軍之令風雷驚

秋夜

斜河低屋角一半絡山城月墮欲無影星飛時有聲蕭寥  
吟思歇濩落酒腸生忽聽荒雞唱難爲萬古情

中元夕寓齋作

清飈吹夢何茫茫白月一山窺短牆人間良夜那有此風  
燭不如漆火長誰家供盂蘭寶蓋蟠蟠香祇園樹影遙相  
望水名功德山道場昨聞江淮災人鬼半道旁餓鬼今宵  
得食喜流人露宿餐風霜又聞東海鯨浪沸西隴狼烟張  
千山萬山走虎倭三家兩家招國殤蒿燈暉暉照十方那  
及窮谷回陽光我歌此曲不能竟山鬼獨立啼幽篁

蘭溪雨霽

輕雲薄霧放初晴畫出蘭溪第一程鄉夢又隨新月上客  
愁都向亂山生人烟雜沓全成市水氣空濛半入城儘有  
清歌管迎送滿船欸乃帶離聲

與春木夜話卽送入蜀

思君夢君久見轉疑夢中豈知江湖夜復此燈火同昔君  
客燕臺白眼青兩瞳跌蕩文戰場莫敢摧其鋒謂我好身  
手能引扶桑弓雲龍各不遇車蓋分西東君猶臥里門我  
乃隨飄蓬已成汗漫叟敢說逍遙公昨趨故人招金華仙  
所宮名山一覽盡挂此歸帆風越女笑不留齊贅驚相逢  
明鏡彫髻綠清尊殢顏紅是時火雲夕炎繖猶隆隆不顧  
觸熱人自作號寒蟲風霜激齒吻冰炭銷心胸遂令醉後

談麤殺渴睡僮緒語彌欵欵離懷轉匆匆云將去親舍蜀  
坂青天通重開萬里圖跳身入蠶叢手中摘華星腰間帶  
長虹高高遠遊冠上謁我眉峯回頭一相笑猿鶴俱騰空  
但聽巖瀨唱聲落已江蓬

邗上雜述

十日扁舟一擲梭危磯獨立易風波江神自樂婆娑舞客  
路空傳暇豫歌海上孫恩方棄檻山中張角莫橫戈沙蟲  
豈是天公意注目秋原感慨多

聞道金隄改故流星河欲轉海東頭黃金虛擲天真戲白  
壁空沉浪亦愁不信龍門曾砥柱可憐雁戶半浮漚朝來  
漚口殷勤塞忍使宣房塵聖憂

虞帝時巡望秩餘津門早晚迓鑾輿天臨北極移華蓋

地轉東風戒屬車曠代尙留封禪臺盛朝原有治安書

清班珥筆雍容甚鄭重羣公獻賦初時同人多赴天

萬竈炊烟黯不春董江都後望儒臣魚鹽漸入窮荒籍土

木方輪內府緝幾輩徙薪稱上客從來厝火是何人天家

高議雲臺在可要農歌野外陳

弔古蒼茫歎劫灰重尋腐草一登臺金銀氣冷淮流去歌

吹聲銷楚哭來合眼江湖成短夢掉頭烟霧幾奇才天涯

舊侶都零落叫斷秋空鐵笛哀

夜坐簡頻伽

風雨打窗如破庵一燈對坐光潭潭高歌可惜我將老活

句喜從君共參楓樹離披醉江上桂花零落思淮南天寒  
獨客不歸去瑟縮夜衾僵似蠶

酬墨卿太守

風雪尊前記別顏政聲側耳滿江關圖中戶版都重定時  
廣陵圖經畫裏流民半未還五馬不堪常渡水萬牛原有重於  
山醉翁當日真僥倖高會湖亭只等閒

傍花邨看菊作短歌

傍花村上秋光妍離披晚菊搖霜天柴門水色繞籬落翠  
竹蕭蕭相對仙飄然出城市帶便先生杖頭無一錢青衫  
如葉道旁顧瑟縮男兒蟲可憐哀蛩瘦蝶逢岸邊縱無落  
英草亦眠何人解薦此寒綠一盞平山堂下泉畫船適來

江雲騷屑墮橫塘。仙鯉書來尺半強。箋色向人先黯澹。酒  
懷入夜忽蒼茫。劫隨白石千年爛。愁似黃河九曲長。依舊  
相思不相見。玉琴彈落海天霜。

夜起

積雲成亂峯。深黑攪月去。林空四無影。烏夢墮鬼趣。此時  
風怒號。葉散不復聚。搔首鼓百憂。栖身接孤慮。亦知天宇  
曠。但覺人生遽。一杵城樓鐘。荒荒破烟曙。

七里瀧阻風始見梅花

一條碧玉青。倒含鏡流七里搖。空潭東臺西臺接。烟翠中  
有魂夢飄。江南披衣亭亭步。危峭瞰見梅花數枝照。狂風  
卷地春未來。向客橫斜不成笑。爲忍荒寒倚夕曛。離心似



我大纘紛落帆後夜知何許愁煞孤山頂上雲

西湖歸舟呈同人

鳥聲如鼓吹導客游湖千裙腰早綠秀屐齒春泥乾千樹  
剪隋綵百花障齊紈冷然一雲磬飄入旃林壇豔質破香  
戒低頭拜阿難晶晶寶山開鼎鼎銀海寬素珠宛轉弄湘  
瑟殷勤彈碧夢水仙苦紅淚花神酸天風扶不住影落迴  
文瀾此時湖心亭一鏡如螺蟠高峯插南北彷彿停雙鸞  
金鷗從西來古愁墮雲端回首一長叫諸陵路彌漫廢院  
蟋蟀冷離宮鳳凰寒焉知霜娥魂不倚青琅玕零磚及斷  
甃是青銅仙盤燕外認石闕鸚鵡邊拾金丸何如翡翠瓦換  
此珊瑚竿水煮小團白霞燒大還丹請收枯淡腸一絢奇

麗觀隔沙黃月出蕩破烟團團

途次得小竹粵西書

好友情何限窮荒夢亦疎孤舟中夜讀一紙隔年書君職  
方華省吾衰合草廬相思清淚少珍重別時裾

香竹令新興枉道婺州話別卽用原韻送之

東風吹到潑江船爲了空桑一宿緣舊燕巢留明月照閒  
鷗夢與綠波圓行看仙令尋勾漏預約山人結輞川記取  
別時春樹色望中雲海易茫然

白庵自南城來憩載詠樓會其見贈作

買山賣畫將終老縱酒尋詩復此遊正賴雲烟供望遠莫  
因風雨廢登樓青紅時節邨村好衰白心情事事休豈便

閒身尙拘束邀君竟欲訪丹邱

頻伽來知米樓入道之信不勝悵惘此以寄之

郭生相見不成歡道爾雲窩結座寬誰念江湖生白髮倘容天地有黃冠滿衣星月先秋動一枕風濤入夜寒未必全家雞犬在回頭重向嶺邊看

答章春林寄懷韻

一夜雙溪雨離心入往年真珠幾行字碧玉七條絃散雪

人何處停雲樹各天多君思舊淚點滴到重泉

悼旭岡也

各有親垂白霜華莫遣侵夜聞孤鶴語秋入百蟲心風雨吟懷苦江湖酒病深茗溪烟景闊短棹擬相尋

蹋月過永福寺

樹影離離過牆黑片雲還山墮虛白露花一簇蛩一轂十  
步閒階葬秋色三更壞塙風吹燈寺門不逢碧眼僧赤鳥  
碑文誰記取燐火堆中作吳語

暑窗雜詩示何小山學博

北山塞窗戶簟薄多于毛起讀何子詩使我眉宇高逍遙  
散烟霧激宕生風濤迴視破屋中四壁皆離騷

松風天際哀萬壑同一噫六月肌骨寒悲哉此何氣仙都  
日在眼突兀吐靈異誰能歷落腸坦然作平地  
落落黃鸝子雲中矯其翩汎汎羣白鷗烟波卽安宅物貴  
其天全變化隨所適嗟爾能言禽雕籠豈足惜

棗樹不結實東鄰撲何有苦桃雖滿枝不適三士口春華

望秋穫傷者十八九置身材不材吾師漆園叟

新竹何娟娟風露引孤潔齋中仙人掌定復長幾節培養

無近功所歎易摧折董生學夫如何徑中問三益

春蠶繭已就秋蟲復吐絲纏綿豈殊致無本安所治文章

貴有用衣被胥在茲抽秘而騁妍雖多奚以爲

濁醪日置前妙理苦莫領輒思造沈侯謂段淵學博泥首一酩

酹剪蔬亦自佳花木滿畦畛笑看八詠樓斯人乃謚隱

夏日赫赫可畏炎繖天當中積陰萬里除點翳不敢蒙漢廷

重刑法其道秉至公酷吏豈所思太息成古風

亂草不早治遂使飛蚊多生息日夜繁此中滋網羅網羅

豈得已亦已傷天和柞氏與雍氏失職當如何

雷聲走山根石怒拘餘力其上緣喬柯顛折救不得蒼茫  
豈天意莫辨樹曲直朝來蔭暘人道旁聞歎息

河漢靜不波流雲淡如畫天公水衡錢終古幾傾瀉衆星  
爭出沒但識光可借迢迢貫月槎耿耿竟長夜

蛩聲一何短蟬聲一何長託地固已殊氣候亦不常物各  
鳴其天所願答彼蒼高言在卑位抑塞摧衷腸

蝦蟇生濕地跳擲向夜深能者上天去乃欲蝕太陰一身  
昧顯晦衆口矜升沉掩耳思却走鼓吹來華林

東風掃綠階階下桐萋萋桐花落已盡東風吹復西清陰  
非不覆衆鳥方爭栖可憐饑鳳凰夜夜枝上啼

彭生與金生千里書互投

甘亭手山各以所刊詩文集見寄

身後併一快

死前鼓百憂聚首不可期惘惘思昔遊欲讀卒掩卷此涕  
無時收

朝爲臥龍吟夜作聞雞舞志士羞雷同橫絕今與古壯心  
一以隳暮氣安足鼓闕下書萬言惜哉陳同甫  
火雲燒東南半壁皆奇峯中有列仙人亭亭如赤松乘霧  
控黃鶴耕烟呼白龍身無五銖衣招手將安從

題太倉王生子若讀書室圖

風燈孤青雪窗白中有王郎同作客一條衣帶似雙谿剪  
破生絹寒綠色王郎家世畫固殊王郎讀書兼讀書聲  
掩抑出林際不得登臨快人意王郎爾亦可憐生盡眼霜  
楓照清淚此間不合王郎遊有書可讀當埋頭讀書指點

圖中址吾家孝標昔栖此絕交一論縱千秋太息當時彥  
昇子王郎聞此悽中腸我爲展圖神亦傷蒼茫不見永州  
守奉常司農復何有太倉王煙客奉常再傳至麓臺司農  
並精繪事爲國朝畫學正宗子若卽須知祖澤要替人萬卷雲煙落誰  
司農元孫其世父蓬心  
太守與子爲故交云手王郎王郎爾勿抑塞磊落嗟風塵我歌重爲王郎陳爾  
不見富春巖子陵復不見四明賀季真千山千水秋復春  
至今尙說風波民猿啼鶴怨含悲辛那及凌烟閣上突兀  
圖麒麟我裂爾圖爾勿嗔

尙綱堂詩集卷四十終



先大夫尙絅堂詩集五十二卷卷各有小序以誌歲月前四十卷於嘉慶丁卯歲主婺州講席時自爲刪定已作序簡端後十二卷則戊辰通籍後所作卷首亦各有弁言迄庚辰冬假歸後正欲自爲校勘以付剞劂旋捐館舍嗚呼豈意以詩記年遽止於是哉迴憶在婺州時延和隨侍膝前見刪定前四十卷詩不欲存者已不下數千首迨入詞館後於題贈酬答之作往往不自存稿而分卷時芟棄者亦復不少是以所得止十二卷茲奉遺集質諸當代宗工定其去取仍爲五十二卷從先志也於去秋付梓今夏甫能竣事駢體文二卷箏船詞二卷一併開雕至制藝及

應制館課諸作當卽續鐫以播海內云時道光六

年丙戌夏六月

男延和謹識

尙絅堂詩集卷四十一

陽湖 劉嗣綰 醇甫

鼇背集 戊辰

是年舉南宮旋以庶吉士派入文穎館與纂校諸役  
日僕僕於金鼇玉竦閒編所得詩爲鼇背集

初到庶常館紀 恩述事二首

秘館清陰接木天近看 溫樹五雲邊書中蠹辟燒芸後

筆底蠶爭食葉先人說傳燈須選佛自慚舐鼎便成仙詞

臣 恩遇逢辰紀東觀重開補舊編 先高祖文恪公康熙壬辰進士曾祖朝議

公雍正甲辰進士並入詞館

登瀛四世此中來劉井分明認古苔澹墨昨叨題蕊榜濃

雲先與護蘭臺九天珠玉當頭拾十地娜環信步開還似  
寒窗舊燈火霓裳隊裏好追陪

明熹宗小鐵斧歌

有明之季忘邊庭熹宗玩物深宮局太阿倒授百不顧却  
借小斧藏精靈傳三百載識年月寸鐵入手光熒熒春坊  
移照字環互秋水恍淬波瓏玲爬搜未許薜斑綠點汗尙  
作茄花青茫茫元氣幾斷削斧柯不爛偏垂型是時闕廷  
百事廢竹頭木屑紛經營風斤獨運南內巧霜刃遂使東  
林腥銀章金印厰所令不啻鐵券頒朝廷人間畫河已破  
碎天上脩月方冬丁彼繡斧使歌西巡破斧詩或東征聽  
嗟嗟此鐵鑄成錯得毋鬱勃生雷霆護持立借五丁守盤

繞應許雙龍停龍兮爲汝重丁甯咫尺風雨陰冥冥亦知  
金甌已殘物應笑玉樓非故釘婆娑偶然悅舊澤拂拭便  
爾生新硯君不見趙公鐵如意光芒舞落寒空星

初用眼鏡

手剪玻璃自笑癡雲光鑿鑿水參差丹黃到眼渾非昔青  
白隨人漸不知天上月憐初暈夜霧中花厭久看時如何  
滿院金蓮影只與先生照鬢絲

答諸同人見贈之什

看花鬧過海棠顛禪榻同消聽雨天閱世心如長醉日得  
官身似再來年亦知畫足蛇原拙空說拖腸鼠已仙未必  
紅塵真插脚蓬山頂上枕雲眠

歸鞭整頓柳千絲動我離筵十日思鄉邑待修循吏傳海  
天須寄謫仙詩申耆時以散館外用九衢塵起無前路三島風來有  
後時獨倚玉真清切境瓊樓烟月太參差

寄家松嵐觀察山右

吾宗一爲別持節幾經秋未省高官樂應紆聖主憂儉  
勤唐舊俗平準漢新猷佇聽謳歌發橫汾水自流

欣聞故人宦清況似年時勝抱江山在高情水石知漸刪  
遊俠傳休廢性靈詩亦有加餐語臨風憶鬢絲

我來蓬島上不見古仙人小駐雲中履多慚日下身玉壺

空選夕明鏡欲拋春祗有蘇齋叟相從一笑親

謂覃溪先生

古刹無僧住荒如廢後衙窺籬防堊犬掃榻惱隣鴉投刺

半前輩借書無幾家日高猶未起過盡軟紅車  
懸知書到日爲我夢揚州鶴尙傳仙語花曾及俊遊卧懷  
時萬里坐論敢千秋無限沈吟思高雲淡不收

梧門先生詩來約同編及見錄用原韻奉答

往者遊京華槐街蹋秋雨循牆沿蝸牛面壁戰蠅虎愧非  
文壇雄浩氣不敢吐先生時善鳴導我扣石鼓水驚千丈  
立天許五色補可憐饑鳳皇鍛翮不足數飄然墮江海魂  
夢戀堂廡名山良不任微抱託終古欲投班掾筆仍弄魯  
般斧號寒成孟郊吟瘦甚杜甫重來謁春明手錄快先覩  
功原集腋就義或挂角取蔗境老愈甘蓮心晚應苦西涯  
誰替人北地此賢主開門湖鏡中山黛映眉嫵亭亭萬荷

花只少一枝櫓書屏供往還詩界足仰俯僮將青猿來友  
與白鷗伍公如執簡招此帖勝乞脯

曉起

秋堂中酒思騰騰風露闌干到曉憑一院幽禽都喚起打  
鐘還是未眠僧

覃溪先生屬補和丁卯秋重赴鹿鳴詩原韻

管領霓裳奏碧天宮袍重著向賓筵人看庾信猶前度先生

以十五歲舉於鄉佛長徐陵只五年北史載徐陵語云大

蘭成射策年也舊志癸辛傳故事新詩甲乙補初編三朝榮

歲謂七十遇如公少手寫金鑾記一篇

詞壇難得魯靈光秘殿朝來更拜颺天上殷勤聞古瑟



月中親切認寒簪薛蘿已許裁初服桃李從教伴晚香傳

向雞林作佳話

中朝人物此冠裳

先生名盛稱於朝鮮琉球諸國

落落高情比鶴鶩苔岑氣味接蘭言華堂早謝三千履羅

漢重參五百尊讀史襟期堪破寂論詩筆札不嫌煩分明

片石無文字

先生舊藏石屏留與蘇齋合紀

恩

石帆亭小到來遲

山左學署築小帆石亭

海上成連是我師丙舍帖

殘尋劫後

停雲館石刻爲余家舊藏今已殘缺先生出初刻見示

午橋莊廢話兒時

先生鄉舉時及見先文恪公稱門下生今六十年矣

飛騰暮景人爭羨古澹交情世

不知天與龕燈照來者鈍根自愧筆如槌

送吳禮石明府之官山左

吳郎二十意氣豪長楊一賦凌雲高吳郎三十客遊壯四

十頭顱漸凋喪卽今五十方得官瘦馬蹢躅來長安馬前一揖握君手却投蕭寺追清歡寺門樹綠兩家屋鵲噪鴉啼爭剥啄亦知懸榻易相思到輒高眠眠不足窗風入夜吹鬢絲酒腸詩骨相撐持周郎伯恬顧曲陸郎祁生讀更有丁郎若士吟小詞燒燈起坐話疇昔只我與君年半百道旁阮籍誰眼青座上何戡盡頭白朝來行酒須急觴同輩各各饑驅忙君方捧檄色然喜憐我却滯金臺裝金臺高高並瑤闕舊日仙人謫超忽紆青拖紫等雲烟判白批紅此風月不如仙吏仙骨殊隨身有鶴脚有鳬天風吹出萬人海此去亦有蓬萊都蓬萊直接海天曙是我思君夢君處掃盡紅霞剩白雲低頭笑看珊瑚樹

寺夜

牆外車聲夜未閒，却依古寺當深山。  
盲風落樹有奇響，破月窺人無好顏。  
千杵鐘來孤枕上，半龕燈隔一窗閒。  
道心長後塵心少，酒債朝來亦笑慳。

雨霽見月

空階積雨聲琅琅，屐齒與水相官商。  
門前有客蹋波立，瞥若一鷺翹寒塘。  
秋河沈沈碧千頃，荇藻當庭漾清冷。  
忽移苔格上牆腰，新月飛來畫人影。

偶題

掃却千愁屏百營，揭來初地似前生。  
螢窺別館秋眠意，蟬補空齋夜讀聲。  
香性幾曾灰後滅，波光都向定中明。  
年來

悟得虛空碎飄瓦當頭揔不驚

晚過法源寺得斷句

野徑來尋蠟屐痕密杉稀柳總銷魂寺門一角斜陽色照  
上秋衣不肯溫

階前苔色綠于水幾日不來成老蒼中有故人新病起流

雲一片在琴床

謂同年周稚圭

碧天吹斷玉參差吟坐秋堂有所思霜果退紅簋退粉艷  
情不似舊來時

籬下尋秋叩瓦盆空庭脉脉易黃昏香泥一徑太狼籍時  
有賣花僧出門

送盡翩翩白袷郎風鈴獨自語丁當遊絲橫斷闌干角不

許新詩上短牆

秋深

秋深漸覺客衣單  
團綠空庭半已殘  
時有夢來思隱几  
斷無人至倦凭欄  
詩從降格求應易  
棊到平心下始難  
三尺方池一泓水  
此中何地著波瀾

簡周稚圭編修卽題其詩鈔後

公瑾真年少  
相從似飲醇  
飛騰知幾輩  
洒落見斯人  
鄉思嵩陽樹  
離心岳麓春  
墨痕和淚點  
衣上認前塵

一卷清文在風懷  
淡不收哀音沿小雅  
高吹入中州  
客燕成新社  
歸鴻悵遠遊  
離騷聽不得  
二十五絃秋

思君無日夜  
落葉滿門前  
結伴尋初地  
移居抵各天  
樓心

寒佛火屋角莽人烟惆悵登高節茱萸是別筵

同人約過棗花寺

上界尋鐘路不分禪扉開處欵斜曛梵音出屋學流水僧  
影上樓如片雲落盡棗花空色相繙來貝葉悟聲聞借他  
幾握棕櫚尾要與階前掃俗氛

題襟館憶鶴憶石二首寄酬寶谷廉使丈

皋禽何翩翩仙骨莫與兩琤璫無俗羽嘹唳出奇響閒庭  
古月來虛館秋陰長感茲主客意標格託高掌顧影敢自  
矜聞聲輒相賞風光辭對舞霜色警孤往舊巢安可知昨  
夜忽成訪珍重縞衣姿江天入寥想

靈石如靈山賞雨此孤坐片雲時一飛如鴉半空墮玲瓏

固多竅突兀肯少挫中有詩洞天羞拾米家唾江船往復  
還瞥此潮頭簸風霆終不移塵土豈受浣應教補圖入未  
卜攜酒過清遊倘再逢容我石旁卧

馬秋藥太常齋中銷寒小集分賦四首

醃菜

腐儒有別腸酸醃與俗異寒菜生小園我輩倘同氣旨蓄  
詠禦冬耐久乃良計淡成交以水自得齏鹽契六街多凍  
人風雪日以厲民間有此色士子無真味銷寒咄嗟辦所  
欠醃釀濟關門咀官商一笑齒牙利

試酒

秋香缸面浮破臘發春思况復酒主人青州久從事淄澠

不同器到口非一致何煩抱壅眠聊借漉巾試譬之良史  
筆味以南董至清聖濁則賢要視各胸次厭新而喜舊此  
理拂衆是誓當遊醉鄉獨醒我能制

### 合藥

百藥一苦口惟甘乃受和采真攝山來動爲草木訶人身  
互虧損丹持九轉過所賴風雨神能釋水火魔柔將心手  
細潤及肺腑多活人喻醫國小補道已頗肌分理自貫元  
氣斯盪摩我無俞扁方頗能蠲宿疴彈丸一脫手日飲當  
亡何

### 和香

佛國號衆香得氣非一族如蜂事釀蜜貴入萬花谷功原



鼻觀參息自聞根觸選擇要在精香品三十六辟邪薤桂  
用五味一辛足欲辨和與同誰能避甜熟心清得天妙寂  
滅出芬郁留香先下簾吾當屏沉速

文潁館校全唐文作

班書不質錢魯論不充薪飢腸日日鹿盧轉天祿但遇然  
蔡人駢羅四庫列甲乙插架顛倒皆唐文英華文粹只常  
選首恃大典搜殷勤浩如烟海道釋藏過眼撥霧真披  
塵遺編不在畫三教青詞黃誥陳陳因唐時金石亦淵藪  
碑版所萃尤紛綸兩收姓氏或舛異貴核作者存其真最  
初四傑固專集餘者百種堪前陳書中互校掃葉似要擇  
善本期精醇文章體例忌割裂詔令畫一當先遵一書下

手有成局如踞要路臨通津洞開門戶設家衡筆所到處  
無荒榛王楊燕許並韓柳殺列芳饌羅奇珍我生濫直入  
東觀書讀未見皆爲新不須舊籍侈獺祭瓣香自祝長恩  
神

葉芷汀檢討出示近句賦贈

粥鼓齋鐘共曉昏清詞一卷互評論詩傳玉局舊家法人  
說石林賢子孫老鶴蹋春時破雪新鶯遷樹亦知溫夜來  
酒興因君發缸面浮香到寺門

覃溪先生手拓西湖風水洞厓壁蘇題姓氏四楷十  
二月十九日展拜其下用韻奉和

昔遊醉卧西湖湄洞天水樂相娛嬉冷風醒夢石鐘響洗

耳如讀坡公詩公詩闕落姓名在墨雨巖壁蟠蛟螭坐中  
無人工影揚撒手一別懸厓悲十年江海訪公蹟清潁之  
尾黃岡陸攜公詩卷伴行囊笠屐所至空追隨蘇齋先生  
祀公久一年一度來靈旗花豬竹飈不常得金蓋玉鱸安  
足奇高懸石墨代懸像神采奕奕紛離披英雲四朶化爲  
月髣髴下視齋房芝公家眉山插天筆字水一綠迴環之  
仙梯所躡鬼斧鑿此事天巧非人爲平分肌理到雪浪細  
引波磔通仇池瓊樓迴首亦已渺白地照見寒差差瓶笙  
孤鳴澗水咽石鼎四沸松風吹聽風聽水拜其下著我如  
在公遊時醉翁晨彈水仙捺涪翁夜讀涪谿碑當時好事  
豈公獨辦香心熱吾誰師霜鴻忽印北來迹江鶴別唱南

飛詞嵩陽片石正相對催詩雨過烏雲知

尚綱堂詩集卷四十二

陽湖 劉嗣綰 醇甫

鼃背集下 已巳

天壇訪春木不遇

柳浪潑天無盡春野塘風色波粼粼亦知獨往有奇句未必能來皆可人鵲鵲亂啼屋角雨蝙蝠自落梁間塵夫君不見白雲合手藝名香朝玉真

領俸米作

臣朔飢來詔乍除鴈糧鶴俸較何如太倉一粒君恩重  
昨得江東米貴書

睡起

搜春伴侶及芳時  
睡起翻嫌日太遲  
拈得野花聊說偈  
門將佳茗合評詩  
俗情且著三分耐  
真性誰容一味癡  
何事清齋偏艷絕  
隔牆紅過海榴枝

偕同人過小有餘芳水亭小飲

水竹城西小駐車  
抽閒同過野人家  
稀疏伴侶如寒蝶  
惱亂年光是暮鴉  
新柳只偏風一面  
古藤爭占路三叉  
亭前便恐餘芳盡  
重洗清樽對晚花

元淑下第將出都以詩留別書此奉慰

曉風殘月路橫斜  
小立門前數暮鴉  
髡柳亦如人中酒  
可  
知飛絮滿天涯

覓驢卽是騎驢客  
失馬原爲得馬翁  
驢背也應忘去住  
馬

蹄何必問西東

抱得雲和寫碧天鬱輪袍曲又今年記曾共畫旗亭壁舊  
雨淒涼到酒邊

六月廿日梧門先生有詩預訂城西看荷花之約雨  
中和韻奉答

以花催詩苦詩少以詩催花苦花早雨聲十日不肯停悶  
煞西厓一詩老西涯風光太閒冷橋上行人被花惱朝來  
便是花生辰眼見花時成草草去年我道無一字寺壁空  
勞竹枝掃何來浣女惜紅衣漫說湘娥張翠葆今年塵跡  
紛難了竟欲忘言學鷗鳥簫門活翠鏡中飛隔岸漁歌竿  
頂鼻多公尙作湖亭主老我愁逢酒家保純鱸又是三秋

近鰕菜何如故鄉好巾車欲往徒傾側蠟屐同遊且搜討  
花光墨水不分明前二十年都喫飽

題屠琴塢雙藤書屋圖卷

時琴塢散館外用

京師藤花百十株此藤乃是屠生居藤花之居亦不一此  
圖直是屠生廬屠生來長安半載亦已餘雙扉開闔萬人  
海客至只數清遊車冠巾飄蕭互攀藉一綠紛紛不能罷  
醉揩老眼看雲烟僵卧還思就藤下藤分爾亦支離身可  
笑一似圖中人他生分作剡溪紙自學狂草先通神借藤  
說法與君語昨夜陰陰走風雨孤根一寸重于山未必雷  
霆能攫取天寒鬱鬱凌冬青琤然落子秋邊聽春花開茵  
夏張幄元氣自足回蒼冥屠生屠生莫枯槁縱託風塵豈



終老曾中突兀屋萬間只此卧遊良亦好題成分付君奚  
童他年早隱斯圖中入君之圖訪君去添我藤杖娛春風  
雨中過錢衍石農部廐園憩澄觀水榭看池上濕偕

同人作

雨聲拉雜人聲騰攬勝來覓風亭登飛泉打頭水沒踝涼  
綠穿破烟層層濃陰當空樹傾蓋一笠天低響簷外方池  
儼忽跳圓漚人亦如珠走盤內繞闌踞坐紛周遭置身恍  
在廬山高天公好事補清瀑一洗俗耳除煩囂梧門學士  
性閒冷訪戴金溪還攜剡溪艇吳郎蘭雪瀟洒亦可人小  
立空階學鷗影主人餉客供茶瓜清譚不許禽言譁離邊  
唱和只讓蚓池上官私真惱蛙當年此地平泉宅眼冷元

都看桃客世間傳舍總無常我輩升沉亦萍迹天邊返照  
窺林端雨脚欲暝雲頭寒屠生琴塢爾自解游戲萬事到  
此應澄觀主人留客客當別門外雷聲幾曾歇朝來失却  
十丈塵洗脚重看千尺雪

題賀滿畔編修湘夢圖

墨娥黯淡江花秋竹枝夜掃湘天愁風吹碧縹一千里楚  
簾鋪雲雲不流九疑高髻鬟重夢綠華來跨烟鳳六曲  
屏開直到家鷓鴣啼入燕山夢

玉竦橋晚歸口占斷句

天上長虹曲曲橫樓臺倒影畫初晴一層金碧一層水著  
個鷺絲纔眼明

漁家曬網挂枯櫓雲水前頭憶故鄉舊水不如新水碧晴  
雲爭似雨雲忙

十日離懷最渺漫柳絲飛夢上闌干新蟬便有愁滋味那  
更朝來水氣寒

橋西新月橋東映橋上濕雲橋下飛消受綠荷風幾日今  
年不忍浣秋衣

酒帘十里不分明燈火闌珊始出城不是馬蹄偏款段自  
家行路太遲生

晚過衍石厲齋

泠泠泉語鳴虛堂石扉中開迎夕涼薜華一樹自開落背  
屋月來生淡黃蟲聲在空不在地無數秋心碎檐際松枝

入手蒲扇搖片片行雲墮階砌錢郎雅有靜者心抱卷入  
夜耽幽吟吟聲斷處柝聲續竹外螢流一燈綠

琴塢屢以近詩索和走筆答之

有肩不聳秋山高有口不學秋蟲號秋來戒詩意良適不  
幸乃與屠生遭屠生畫癖一生苦一畫成須一詩補三間  
廡壁皆漏痕醉墨淋漓自飛舞朝來走僕折簡呼向我索  
詩如索逋我詩一字著不得此意君須畫中識畫中隣樹  
蒼烟堆雙扉日爲錢郎衍石開錢郎詩狂亦君匹使我欲  
徃先徘徊雨窗兀兀但枯坐聊復朝吟忍朝餓從君畫中  
拾君唾不如招君故山卧

送許鶴汀孝廉南還

朝來不忍送行滕盼斷秋空雁一繩千里星河從此去滿

山樓閣有人登

近以滿山樓閣圖索題

七哀身世窮無奈三絕才名

老更增天上鐘聲催夢落亂雲深處不知層

關山兀兀馬蹄穿廿載情懷各惘然蠟淚久乾題壁字酒

痕還在過江船我來蓬島無仙樂君向黃山悟道緣應有

白頭相見日不教樹杪榻長懸

留別兵馬司中街厲郎題壁間

傳舍分明任去來爲留泥爪輒裴裒空桑偶爾成三宿叢  
菊都應不再開幾輩故人遺佩褱此間急雨散尊罍一枝  
折斷隣牆竹替掃窗前蠟淚灰

偕稚圭同居卽簡

菊花都謝客只合就君來棲本一車共到還三徑開書邊  
疑鴈嬾筆底信蠶催顧曲中宵好寒燈剪幾回

聖壽無疆詞

謹序五章用五平五仄體

嘉慶十有四年歲值屠維月在大淵獻恭逢

皇上五旬萬壽慶節維時宙合承

化泰階炳符景星慶雲瑞應畢集

臣竊惟元旦

賜宴茂典式昭頒發

恩詔十六條布示天下上自王公以逮士庶近自幾輔以  
及海隅日出聲教遠訖之地莫不引領跂踵前喁後  
于思効華封人之祝蓋自

御宇以來

事

天之敬

法

祖之誠

勤政之篤

愛民之切其在臣工無日不親之而百姓之被

聖化者亦無日不遊

仁壽之宇而身不能自知口不能自已者也臣按祝嘏之

詞莫先于邠民其言曰萬壽無疆夫易之繫坤也曰

德合無疆說者謂坤配乾之德曰應地無疆說者謂

人法坤之德而一推本於乾元

皇上合撰天地立人之極則以無疆之德徵無疆之壽者  
實由於此昔唐臣楊巨源製聖壽無疆詞三十首維  
時德化未厚膺祐亦薄欲罄頌揚良所未稱臣躬逢  
盛世忝職詞館敬擬

聖壽無疆詞按五字分作五章合成百韻兼用五平五仄  
體謹拜手稽首以獻其詞曰

乾符全昌全泰陞

聖紹

聖承

天通瑤樞照世握寶鏡貞元中黃包建極太紫映辰居環  
台垣已緯汁斗柄神著爰推初瑞莢月紀孟儀從升恒隆



典湖

授

受正膺圖

堯傳心拜範

禹集命賡颺宣重光奉若稟七政四年欽天監奏日月合璧五星聯珠奉諭中

飭勿修言符瑞參和期為仁參和為仁論五事主用敬敬用五事論

冬郊陳壇帷

夏澤列禮樂辛祈時加虔祈穀以立春為度亥藉禮舉盛

耕藉加四推禮祠星昭文章增建文昌祀典謝雨著典令諭謝晴謝雨載入會典

寰瀛供輸將岳瀆奉籲請岳瀆祭告芝雨馨香升簞節被濯淨

凝麻揚

宗功繼志述

祖行

徽尊重雲慈

追崇徽稱

列后

訓廣化日做

諭督撫率所屬湖望宜讀

聖諭廣訓

神謨欽無私

寶錄錫有慶

恭錄告成

高宗

金泥輝皇王

玉牒衍子姓豐田斯人情

為人情以

潤土乃物性

君子以虛受人諭土

性箕疇開鴻圖既醉什敬詠

既醉備五福諭

一章

登臺方書雲祝華特介

壽

天心垣為宮

帝學物在宥觀文黃圖開拜冊綠字授丹書傳周漁素史

聞魯狩三通修家邦續三十事責左右姚崇以十事責難論

披章宵求衣轉匭曉待漏

端門離當晨

寶幄晉接晝諭引見人員隨時帶領

謨猷敷

彤廷

治化洽紫宙燹惇先潢宗宗室訓樂教逮國胄明刑鈞金施

恤隱肺石就明慎用刑論哀矜折獄說

箴廉周官崇為本論六事以廉

訓儉漢詔厚慎乃儉德論攻金辭層巖飭金礦開采一摺采玉誠遠堠

和闕采玉四處物奉勅停止邊緡紆葡萄詔免普爾土貢緩橘柚禁星

鹽遵桓寬條禁草費漕允賈讓奏京厘千倉蠲給普濟

國寶九府究熱河陳設萬棉花圖呈新棉花瓠子頌軼舊詩

河決憂蝗農加殷見蝗斥蠹吏黜陋懲蠹全除苞苴私地防

方官毋自絕莠草茂飭督撫安

許餽送良除莠推懷傾臣工挾纊荷老幼詔存貯之棉衣棉

堯天無能名

德盛篤景祐 二章

聖治煥九有

皇疇涵三無秘笈宛委集微言空同敷日月並景燦乾坤

真符見復理窟鏡復其見天貞恒鑒臺樞德論萬遍

寶錄冊

每日焚頌  
錄周而復始

實千篇羣經郭篋貯魯史詠左氏屏

開幽風圖

雅說

大業富學海詩以八年為一集

斯文遵修塗在

昔釋菜

幸

元年舉諸生依槐趨

漆墨映獵碣

額聖集大成圖

芝籤藏鴻都

九年幸翰林院將欽定石經一分存

翰省式鉅典詞林恢前謨

增修詞林典故

講幄論勒石

經筵每著論

官儀編排珠

史纂官

漢志十四別

增輯國史

唐函三千殊

全編

文雅頌第酌賚

鐵保輯八旗詩名熙朝雅頌製弁言

命文章收都俞

增輯文類

館字秘綠開科衣宣朱

御字以來特利三次

競欲獻楚璞誰容吹齊

孚黼黻待贊贊圭璋來于于拔士俊秀特

舉孝廉方正

旌臣賢

良俱

詔祀賢良者子孫送部引見

五德自應帝三才斯為儒典學視說

命熙工賡臬

謨愧乏晝日筆安能摹唐虞 三章

地版拓

化字

天戈揮邊疆并鉞應脉絡參旗開堂皇草竊昔跳竄苗麼

旋摧藏吐霧蚺蜴入追風螳螂當洞逆舊戮玩蠻兵潛者

香大度贊密勿中樞權精詳將將馬服隊師師龍韜行

睿畧照赤縣

皇威平青羌

五年青苗不

毒焰息二室妖氛清三湘馬下

蜀坂折蛇盤秦雲長守堠飭戊尉

諭各鎮撫增營輸丁糧

入旗增

甲令謹約束

諭設立保甲

庚郵嚴周防

諭禁擅用驛馬

鹿耳壁

養育兵

鎮靜鯨身船軒昂閩粵海防船隻虎節用赫赫勅封越南國王

驚書頒煌煌頒發廟兩喀勒書緬甸奉

制誥緬甸遣使進貢朝鮮賡詩章朝鮮使臣貢獻詩章

澤渥被露犬風行驅星狼犇武習細柳陳圍臨長楊巧技

貫弗矢

神謨傳花鎗土服正棗幣淵帷斯苞囊盛軌萬萬禩其球

歌來王 四章

夏海効虎拜春臺攄鴻詞景慶荷

化宇光華瞻

熙時燎晰視

乙夜鐘鏗趨

寅墀

輦掖拂翠罕鞭呼揚芝旗豹尾象肅肅

螭頭麟師師鷺隊兩翼序

會典賜宴太和殿左右翼進

鴻臚三成儀

鳴贊等恭立丹陛三成

爵式九獻典韶陳中和詩

奏中和韶樂

燕喜挹湛

露

龍顏迎晴曦月吉溯象魏

天面膺龐禔鶴秩

晉寵錫

鸞章頤齡施

順天府府尹宋銘母八十六歲五代一堂原任總督鄭大進妻百歲俱賜匾額

禹幅澤浩浩虞庠風熙熙郾畝緩旬課園扉宣

皇慈亥叟和壤擊丁男呼節持解雨沛有象需雲霑無私



懿德尚抑戒

淵衷多覃思  
漢光武宣修瑞却玉琯  
崇真藏金枝  
增緒五朝早闢

識緯繆  
布圖識論晉回文風  
滴風疏正文集選偽失體  
祝文

毋許集御製並禁集文選  
修辭誠為基  
修辭立其誠論載筆忝秘省  
賡歌欣

昌期再拜謹跪祝

貞符延

鴻釐 五章

薄畊屢以詩見投得四十字奉答

半百吾將老君年只半之可無真率會況有性靈詩好夢

香能引清愁鏡未知湘中芳草歇重寄古相思

衍石齋中以養魚調猿二題索詩賦此答之

方塘卽江海一靜含動機平分水石性土瘦魚苗肥孳養  
適所天順流逆則非方知活潑地乃與性命依鑒影悟色  
空尋聲通息微堂堂復策策茲理會者希玩物貴物化不  
餌忘朝飢臨池風自來荇藻生水衣

愁胡山野姿聞呼若能應生熟各不同取法貴以順猱升  
固無教狙賦自能令人操喜怒權天識智愚性物情方善  
變馭變道在正食息但以時動靜乃惟命儼然求繫援攀  
樹苦不定調之固自佳勿助挾石興

過方鐵船水部腐齋卽題其詩集後

繞城竹樹路陰陰樹底方干日日吟中有詩人人不見不  
知人海幾多深

水部風流例作詩君詩清絕近無之車塵未必屣能辟冰  
雪前頭一卷詩

懸車共約故鄉回塵土相逢勿更猜他日湖邨風雪夜有  
人驢背款門來

時君有卜居  
西湖之約

琴塢雙藤書屋銷寒第一集以詩乞茶菊

愛菊宜獨醉嗜茶宜獨醒豈知醉醒意能者每自領屠生  
蓄茶癖鄉味好龍井爲語湖山緣樹藝足朝暝采茶兼采  
菊以菊佐茶飲當其風露佳纖手怯清冷不妨黃白糲所  
貴甘苦審落英盛一囊活火出八餅君齋富幽事茶竈互  
斜整爲我生松風髣髴坐湖艇移來日鑄色貯此團月影  
我聞東坡言佳人喻佳茗或云淡如菊茲語入詩品新婦

配參軍一笑兩美并居然色香絕願託肺腑請無因賜金  
莖有約吮石鼎明日從君遊吾當謝酩酊

南西門外晚步

懶蹋天街軟繡痕芒屨穿破草烟昏新帘賣酒餘村店舊  
侶尋詩半寺門晚樹好留雅作畫疎花容易蝶銷魂雲山  
韶護聽都慣來扣田家老瓦盆

衍石寓齋銷寒第二集分賦得鹿尾

象以齒見珍麋以臍致用何如品食單鹿尾特增重伊尼  
出象教飼養分鶴俸時遊銜花場或過講經洞純陽天性  
足厚味人欲縱別開燒尾筵竟作朶頤供溫如桐馬酒濃  
比乳牴渾猩唇與熊白未審誰伯仲吾皇秋獮期哨鹿

盛儀從山高月暈圓地澗霜華凍嶽嶽角摧獨呦呦鳴召  
衆從從日影移獵獵風聲控弓驚萬馬逸箭喜六槩中遂  
偕白狼歸不藉黃羊貢陳之羹八鉶佐以醢百饗時頒小  
臣惠轉費大官送周田良用誇湯網願申頌錢生性淡泊  
齋日太常供賓筵或燔覓仙饌豈炮鳳忽修乞脯帖難免  
越俎諷杯盤敢獻嘲飲食恐召訟書生本腐腸割愛須用  
痛不分楚厨餘肯踏菜園空譚資憑麈揮笑柄失麈弄請  
歌樸檄詩一證芭蕉夢

寒夜讀蕩耕新詩卽簡

地爐枯坐注茶經一卷詩來倦眼醒湘水忽搖千頃碧西  
山端爲幾人青澹尋烟月閒中味狂乞風騷劫後靈吾齒

漸衰君尙少不辭日日賭旗亭

人海中間屋打頭百年心事各千秋藥無可療方爲病酒  
尙能澆未是愁豈便著書成獨行早甘遺詔到同流匣中  
劍氣銷沉盡夜起推窗看斗牛

蒨耕湘夢齋銷寒第三集分得食蕨

家居慕田園蔬譜譜八九秋擧張翰純春剪庾杲韭湖山  
忽如夢鄉味別來久笑捫腐儒腹塵土積一斗方回奉清  
齋設宴召良友中有苜蓿盤采蕨用佐酒南中擅風味製  
粉配菱藕聊將充菜根不用入蠶曰雜之葱蒜薑寸斷亦  
不苟冰炭先置腸羹湯再洗手長安侈侯鯖奔走到屠狗  
羊眞博士敵鱸豈郎官偶清風良在茲可適吾輩口應知

首陽山萬古根不朽煮宜白石郎采合紫芝叟傲君乞笋

詩只作饒太守

滿耕有詩句  
琴鳴乞笋

### 送涂淑襄吉士改官之河源

竟折長亭柳看栽滿縣花一官依海嶠千里接河槎載鶴

烟隨艇懸魚雨附車蓬萊君轉近帶水好移家

海國餘氛在樓船苦未休論功會上賞議撫要良謀但使

勤官職都能慰聖憂養生君最切民瘼好深求

逆旅真如寄殘年況別君慚無經世策敢著送窮文最惜

花磚日閒停樹杪雲臨歧珍重話不獨爲離羣

### 答董榮若見贈

浪擲精神賦子虛閒從歲晏一華予難忘放論參高坐每

借清譚慰索居壁上舊圖移海岳篋中新志訂河渠怪來  
日日停雲望遲我門前載酒車

秋窗不惜夜燈青爲爾新詩上短屏猶有筆花能爛漫豈  
應庭樹易飄零幾家骨肉圍爐火三月音書墮井瓶只隔  
城隅天樣遠草堂一角數殘星

雪後稚圭齋卽事銷寒第四集

門前休掃雪翻爲故人來鴻爪此中覓鶴聲天上回鶯歌  
停淺盞索句得寒灰却笑東鄰宴尋常夜若雷

六街寒正苦不暇惜梅花款語籌身世清遊感物華爐添  
大還火鐫貯小團茶莫遣匆匆散城頭未曙鴉

爲蔣夢莪太守題梅花草庵記夢圖卽送其官浙中



放船銅井吟春風滿身香雪花當年來一夢隔雲海春  
明回看烟濛濛蔣侯何來鶴輕控我出夢時君入夢却尋  
君夢展君圖遠笛還疑奏三弄君言此夢江以南萬子爲  
寫梅花庵寫庵之人雪夢主圖爲萬廉山作雪夢庵主廉山自署號也不識君  
庵更何處君家江口春水深焦山花落彈古琴琴聲載得  
過江去一官吹墮匡廬陰匡廬峯高高接天圖中裊出香  
爐烟多君身自有仙骨飛夢欲上峩峩巔峩眉可夢不可  
越昨夜朝真謁瑤闕眼看紅豔滿豐臺只少梅花與鋤月  
月光斷處雪色連我吟除是花能憐千花萬花作蝴蝶有  
夢只傍瓊樓邊君行且作賢太守蘇白隄前幾株柳出山  
雲卽在山泉此意問花花解否君圖記夢不記詩我詩却

恐花相思他年夢到孤山頂月落參橫君不知

答謝向亭編修病後見示之作

卜宅何緣結謝莊閒門剥啄不辭忙詩從淺處求元悟譚  
到深時怕激昂却睡可能除幻夢安心畢竟是良方那須  
七發纔祛疾當日枚乘興太狂

銷寒小集共得八人皆同年友琴塢繪圖記之余係  
以詩

策蹇閒門日夕過年光那不怨蹉跎六街風雪今年少消  
得銷寒舊雨多  
陰何撥句易成灰不問深盃與淺盃罰酒只愁金谷數催  
詩先報玉山殯

蘆簾紙帳劇清幽  
讀書從君十日遊  
我向畫中重索畫  
梅花仰面竹低頭  
烟魂月魄儘模糊  
心畫心聲辨得無  
留取畫中殘燭影  
照君更寫祭詩圖

十二月十六日 恩賞哈密瓜恭紀

綠過葡萄說遠邇  
甘瓜來自古瓜州  
盛從玉盃松花淥  
剖並銀刀柳葉稠

柳葉魚  
出哈密

幸有冰銜邀

主貺慚無環祭侈

家羞天寒對此心  
堪鎮蔓水分漿出  
殿頭

爲陳受笙孝廉題行脚看山圖卷

黃塵烏帽太蹉跎  
夜夜名山入夢多  
一事讓人腰脚健  
借君卷裏枕坡陀

尚絅堂詩集卷四  
寒宵一百八聲鐘問訊天涯幾短筇我欲打包尋去路亂  
山黃葉不知重

尚絅堂詩集卷四十二終